

天保三十六家絕句

上

113

1068

1

55

60

65

70

75

113
1068
1-3

113
1068
1

鑄新春孟戊戌

一齋
雲山
松南
絹州
山陽
霞裳
詩佛
星巖
海屋
大麓
小竹
雲嶺
花亭
隨齋
棕隱
招月
南梁
梅坡
五山
中如
鸚嶼
鎧軒
南山
研嶽
蘭溪
鷗嶼
松廬
嶽嶽
蕉窓
柳灣
鸞江
朴齋
漢琴
南山

天保三十六家絕句

浪華 種玉堂藏梓

大正十五年二月
花房仙次郎氏寄贈

天保三十六家絕句序

此歲告凶至米斗三子錢餓孛相
望於路地方官吏皆奔走勞頓食
不下咽噫天保如何時乎後之視
天保猶今之視天嗣特知其困弊
駭擢身豈知累險之餘人不盡凍
飢猶有品風月咏花草優游卒歲

天保三十六家絕句序上

如三十六家者而又有如靜一道
人者纂而梓之以廣其傳焉則此
編之存後之論世者冀有所資考
矣亦豈徒然哉道人素嗜吟咏擺
落百事當此凶歲僦居都門薪桂
炊玉以救朝夕將無出入交謫者
乎猶且漠然不屑意一從鉛槧之

事非至篤好其何能如是耶雖然
諸家之絕句其秀可餐其腴可味
剗而傳之與衆偕樂必有足忘饑
者矣其計未失也獨余文字真腐
道人何必欲置之於前茅也辭之
於道人道人笑曰果然僕將錄子
詩以著於編子得復辭乎余詩更

不適衆口而絕句尤拙懼道人或
不相爲掩而刪之諸名家間也乃
書此爲序而與之柔北澗灘之筆
暢月哉生翮書於江都二谷邸舍
之寓樓鐵研亭又齋蓀蓀

貫齋六野善書

天保三十六家絕句目次

上卷

一齋 廿六首

詩佛 廿七首

花亭 卅一首

五山 卅四首

蘭溪 廿五首

蕉窻 十八首

雲山 廿八首

星巖 廿八首

隨齋 卅四首

中如 十八首

鷗嶼 廿四首

中卷

柳灣 廿七首

松南 廿一首

海屋 廿四首

梭隱 三十首

蕙齋 三十首

鎧軒 廿四首

鸞江 十八首

絹洲 廿一首

大麓 廿九首

招月 廿六首

藿里 廿五首

南山 十七首

朴齋 廿五首

下卷

山陽 卅五首

小竹 廿五首

南梁 廿五首

春草 廿五首

松廬 廿一首

溪琴 廿八首

霞裳 廿一首

雲嶺 廿四首

梅坡 廿四首

岳洲 卅一首

研嶽 廿六首

南山 廿四首

總計三十六家絕句共九百十九首

天保三十六家絕句上

静一道人三上恒九如編錄

一齋先生佐藤坦

字大道一號暖波江戶人著有愛日樓文詩其他不遑枚舉

春盡

來燕歸鴻知進退
老紅穉綠見乘除
眼前都是天機妙
翫易三旬不出廬

膳所助川伯斐問易於余一年既卒其業西歸
賦此為贈

借君讀易究精微
漫道專攻三絕帛
臨別啞然唯一笑

一齋

鳥啼花落亦天機

抄冬偶做三韵

天地悠然一室寬，三冬瞑坐掩柴閤。若教腔子無真樂，傍柳隨花亦等閒。

仲秋偕恂甫步沿綾瀨川

雲自悠悠水自流，蒹花蟋韻境偏幽。何心點也沂雩興，獨愛春光不愛秋。

季春携家春澤上看花口占

一路東風煦綠芽，低吟徐步挈嬰孩。只知心樂春偏好，不問春從底處來。

老夫嘿々少年嬉，春物性天相得宜。一蹊桃李無言語，中有嬌鶯恰々啼。

漫言

斯文喪墜有誰尋，天地人心無古今。偶坐夜堂窺斗象，殊疑光彩照吾襟。
落落乾坤人亦無，誰歟自古是真儒。唯名與利多爲累，一過此閑總丈夫。

中秋

露沐仙娥姝，者子風翻金粟聖。之清騷人竟夕吟，難輟準擬秋蟲盡意鳴。

冠山老疾得月亭分得樓字

廿載曾陪授簡遊亭顏得月亦風流愧吾記筆之鋪叙
翰與黃州題竹樓余嘗應索作亭記
分明豆尾與總頭遠黛微茫水上浮宛是東南吳楚圻
使人緬想岳陽樓

画鷹

松項攫身羽族豪望風百鳥總悲號世間亦有鷓鴣害
安得煩君一攫麇

題春山如笑圖為林嗣君囑

雪消春澗水平灣聳出層々螺髻山迥在花紅雲白外

展開翠黛破孱顏

畫松

蒼鱗赤甲紫髯鬣千古冰霜化作苔何幸自全深澗底
無人識取棟梁材

錦鷄圖

朱黻金冠雲錦紳風姿濯々出凡塵語君深避樊籠辱
莫為文章誤此身

太公垂釣圖

謬被文王載得歸一竿風月與心遠想君牧野鷹揚後
夢在磻溪舊釣磯

歸鄉久不出

風政秋時鱸亦肥卸裝一臥懶開扉猶疑遊在湖山裡
身已歸來夢未歸

次韵葉山孝卿見寄

君家隔在海西涯夢寐相逢鴻有儀唯此一誠通宇宙
不行而至莫容疑

春夕

月訪梅花為好主梅邀月影作佳賓佳賓好主雙清絕
管領黃昏一刻春

題宮人月下侍讌圖

畫鷁移來太液池月明夜讌未催歸鴛鴦雙起芙蓉上
輕蹴銀波灑御衣

移輦西宮奉玉卮興闌御筆月華詩宸題深在芭蕉葉
一夜秋風不浪吹

移竹

數尺琅玕手自移初知三可與三宜宜風宜雨尤宜月
可畫可琴殊可詩

題明皇楊妃圖

臨淄勲業有誰當除是一驕生百殃天寶榮華終自累
太真未必累君王

題翁媪對食圖

錦綺膏粱易損身，竟來富貴不如貧。千金難買雙眉壽，多在鶉衣藿食人。

題文文山畫像

運傾無計報君恩，鼎鑊臨前節肯翻。浩氣長歌三百字，至今生氣凜然存。

東台准后席上和歌題賦寒艸少

昨日春風夢一場，池塘今已值蕪荒。自嗤吾亦如寒艸，黃髮稀疏不耐霜。

詩佛先生大窠行

字天民，一號江山翁，常陸人，著有詩聖堂集。西遊北遊再北遊等集。

大和堀氏莊宅二詠

北闕當年竟賊滿，九重宮殿委塵埃。一間茅屋懸崖下，曾作金城鐵壁來。二帝座

一口洪鐘楠氏物，寂然無語掛崔嵬。不知當日發聲響，破得幾多兒膽來。楠氏陣鐘

作盆池戲題

海上清風湖上月，壯遊千里去探奇。歸來一笑寒窓下，貼石埋盆作小池。

詩佛

初夏早起

杜鵑聲在夢中聞，起呼茗椀洗餘醺。方覺夏宵宵漸短，博山猶宿夜來雲。

觀蓮節招客

風流惟學傅花會，不學佳人解語杯。紫茄綠芋青荷飯，珍重諸君侵曉來。

賀茗溪老人七十

茗溪老人惟嗜茗，朝烹暮烹夜亦烹。洗空七十年塵垢，兩腋清風仙骨輕。

六十二自賀

兩鬢雖摧氣尚全，健如黃犢是前緣。君恩幸自無官守，許秉江山風月權。

五月雨多

五月雨多宜勸農，不堪冷氣逼心胸。生衣更喚熟衣取，裏面私添一二重。

秋雨殘荷圖

秋聲和雨送淒涼，零落殘荷滿沼香。可恨畫工無意思，不留一葉蓋鴛鴦。

閑遊到處小留

小春時節好晴天，三尺枯筇一百錢。翠竹山房紅葉寺，

不妨到處且留連

早櫻

腰肢纖細帶微香，一種風流淡薄粧。好箇報來春信早，西廂記裏小紅娘。

白小魚

三寸銀絲好膽材，舉罾濃刺雪花摧。小魚亦愛春光好，直遡落花流水來。

題隨園女弟子詩選選

數卷新詩冠麗華，深紅淺白各堪誇。金針巧繡宜男草，玉指故挑求子花。

夏夜

淡月朦朧夜欲分，數聲杜宇隔林聞。香煙裊裊吐不斷，籠作纏簾一縷雲。

梅雨晴

半旬霖雨掩柴關，苔上荒階長綠斑。今日一晴來拾句，小橋流水古松間。

聞鶉

杜鵑時節人歌耳，不似西人聞思歸。却向殘宵人寐後，亂雲堆裏一聲飛。

秋日偶成

詩佛

柴門無客綠苔封，竹簟風微涼氣濃。睡起不知天近午，
淡紅已上醉芙蓉。
閑裏乘閑拖瘦筇，夕陽溪水浸魚缸。嬋娟倒照芙蓉影，
便是吾家濯錦江。

海莊冬晴

海岬池臺晴色開，小春天氣似春回。詩情偶向閑中得，
睡思或從暄處成。

冬夜爐邊小飲

滿爐撥拙未成灰，煨了渾頭煨芋魁。不道先生孤寂甚，
一兒二女對啣盃。

冬日新晴郊行

夜來地上寸餘霜，融作郊村嫩日光。柳帶微風如弄色，
梅含輕煖欲吹香。
樵歌牧笛太平象，烏帽青衫隱者裝。商人見慣不相怪，
又醉橋邊舊酒坊。

六月朔新庄道中望烏海山

曉風猶覺袷衣寒，一帶松林十里山。正是江城餐雪日，
來望烏海白孱顏。

泛八龍湖

一帆直欲訪蓬瀛，天水澄鮮鏡面平。碧海舍人相接伴，

風標公子亦逢迎

七十自賀

鮮衣炫路轎生風名刺爭投紅袋中老我如今無此事
寫詩僅署七十翁

屠蘓到手不嫌遲鞭得聰明忘却機耳目依然齒無恙
七十如我亦應稀

老顛醉墨與君看飛電驚蛇競筆端腕力于今猶健在
一揮千紙未為難

花亭先生岡本成

字子省一歸豐州又瓊省
翁江戶人著有花亭集

新竹圖

余時就官

新承雨露嫩梢垂與柳同柔此一時待看風霜搖落日
直竿蒼勁挺然姿

萬歲樂

逢逢拍節土伶歌為感驩虞恩澤多二百年來軍鼓絕
太平基創自三河

士嶽圖

玉容端正九霄間獨立無爭氣象閒標得舍仁君子國

花亭

天宗三十三家絕句卷上

九

百蠻遙欲仰名山

杜鵑叫月圖

夏立新鵑叫過時居人喜聽旅人悲夜來齊破兩家夢
月照水精花一籬

鴛鴦宿水圖

寶帳圍林累錦裯夜情多冷失歡人鴛鴦不受孤栖苦
眠著水池也夢春

達摩圖 余時本官

久矣跣跣面壁禪工夫我亦有同然與君耐性試相較
曾守一官三十年

淀河雪航圖

文化辛未年朝鮮信使來館對馬余以職事
往夜下淀河雪月清妙賦詩數首以紀事今
退閒觀此圖宛然真景恍然夢境因錄舊作
上臆者一首又一首次韻言況云

雪霽長川百里程官舫眠下浪華城夜深月悄無人影
夢破冰堤喝道聲

喝道舟行雪月程當年官跡達婆城間身今日重尋夢
好見嗟來賣食聲

畫菊

花亭

天保三十三家絕句卷上

十一

紫桑舊宅已荒來却向人間處處栽逢得清時重九日
幾回曾倚戰場開

金錢花園

未被豪門盡斷將貧家隨分貯芬芳花神新幣誰言惡
鑄出純金許樣黃

羅隱詩若教此物亦收貯應被豪門盡斷將

歸去來圖

運移典午失神輿僅有紫桑尺土餘自若幽香霜下菊
孤根終不被人鋤

十八學士真影

圖列登瀛十八容早分忠佞見心蹤諸賢正視皆前向

反面人唯許敬宗

當日儒班等拖紳他年史冊各分倫文皇勅旨閻令盡
中着李猶同傳人

宋太祖名見寶儀圖

豈唯禮服見儒臣正己宜臨億兆民無奈君王創業始
黃袍倉卒遣加身

李太白畫像

所天相奉士農同改嫁敢辭恩詔隆可見正人教有素
多君孤女守家風

太白坐永王事不害其為正人余別有論

常盤雪行圖

花亭

宋史五家絕句卷上

才否孩提未可知興亡天運豈能期夫讐奉帚腸何輒
難學貞松耐雪枝

實盛戰沒圖

北陸殉平身錦戰衣如於東海更增輝士川不洗頭絲
墨漬却平軍水鳥飛

閨秀吟詩圖

檀口吟成錦繡篇柔荑弄筆染紅牋內言慎不出閨柵
生怕外人偷寫傳

致仕相公福山侯賜親筆詩書畫謹跋二首

左右逢原三絕才滿襟清興激松煤妙工自是非凡手

曾把陰陽變理來

勁葉高抽美蔭垂似嫌攀附直無枝朝天巨帚掃塵羅

好與清風明月期

棕櫚挂月圖
公號棕軒

廉塾圖

三塾相臨一水清金湯難敵擁書城及門人在春風裡
花底柳陰絃誦聲

重題黃葉村夕陽村舍圖

白頭感憶舊交歡淚眼何勝展畫看人去鄉庠絃誦絕
一村黃葉夕陽寒

畫山水

花亭

天保三十三家絕句卷上

十二

戴雪孤蓬何處來，連村春水夕陽開。
櫓聲漸近香風徹，知是柴舟載野梅。
一棹舟歸荻岸陰，漁篝影少夜深沈。
西風黃葉水村冷，月在中天誰搗砧。

禱函

水性含仁，大日東地。鍾靈泐八方，同不生禽獸害人者。
逢着山君，唯函中。
高處栖身，韻自清。清風儘好，奏希聲。繁音聒耳，被人厭。
莫謾苦吟，嗚不平。
外面夜叉，瞋怒相滿頭。毛髮豎如針，忽開口笑何歡喜。

無是中藏菩薩心。栗越

稻梁養足更高飛，肯信人間歲大飢。
栖在君王池沼上，爾曹亦得有光輝。見雁

孫康映雪圖

唔咿映雪苦精神，學業多成自耐貧。
畫燭煌煌寶鑑暖，者邊却欠讀書人。

遊仙圖

遊遍虛空極八垠，駕虹驂霓轉飄輪。
俯看寰海如杯勺，唯見醯雞不見人。

南化化蝶圖

花亭

三原三十三家絕句卷上

卷上

風流遊戲玩花情
栩栩微蟲亦達生
可見莊叟自謙意
大言不說夢為鵬

五山先生池桐孫

字無絃一號娛庵
讀岐人著有五山堂集

明妃

君王為國要和親
賤妾可能辭苦辛
驕胡不用將軍鉞
蛾眉一斧足清塵

李英公

粥火親燃為老溲
于思數燎紫將無
早知他日灰和藥
肯使君王減御鬚

陳圖南

一笑跨驢還舊山
野花啼鳥畫眉閑
如今已繫睡仙藉

五山

天宗三十三家絕句卷上

十三

乞與三峯亦是閑

駱駝三首

馴養如羊任撫摩
一封當背紫坡陀
自能竒畜足資博
不笑熱場看駱駝
跼躅西來萬里餘
廟堂無路負當初
知風知水渾閑事
只解看錢博幾車
峯勝熊蹯毛勝狐
裘溫饌美復何須服
勞捨汝真癡物
一斃兩全供我無

觀琉使

士女滿街挨不開
爭觀琉使入城來
白頭先被傍人問

看到這番知幾回

元日口號

快意莫如元旦晴
烏輪生處彩雲擎
昨宵燈下看梅眼
移向岳蓮殊覺明

花朝舟中

岼柳堤花西裏開
船窓春色滴尊壘
翩翩孤蝶飛過水
知是誰園逃撲來

花後出城

林鳩聲裡午晴開
無復殘紅糝徑苔
一榻茶烟人寂寞
誰能趁此綠陰來

初夏

絲鎖軒窗雨始收，輕寒未送水綿裘。家人昨夜裁縫久，見說新鷓啼過樓。

盆池養科斗

游泳盆池頭尾分，有時匝簇沈雲看。看來只是知丁字，窮竟何曾解古文。

荷錢

鑄來只合買詩愁，榆荚萸荅獨耐傳。始識薰風是循吏，江湖滿地見錢流。

池端書事

水寺鐘鳴門鑰收，夜涼借榻竟無由。蘋風菰月人歸盡，附與流螢秉燭遊。
繞亭荷氣有餘清，烟暝汀禽無夢驚。留客只能知卜晝，免教風月入臺評。

盆荷

西湖十里去觀蓮，誰信盆池別有天。鵬鷲達人何見解，田田却愛疊青錢。

謝豁上人惠筍

平生嗜筍奈饒何，忽辱驅來出竹坡。晚食居然參玉板，腹中禪味已知多。

出郭所見

邨落分秧將畢工涼生細細綠鉞風猶餘十畝方田水
倒蘸林梢似鏡中

五月聞鶯

綠槐成蔭足清風隔葉好音聽自工只恠商巖遺一老
山中有箇夏黃公

嘲蚊

貪饒通夕恣為威滿腹果然紅粟肥怪底越丹仙不得
清晨翅重懶歸飛

田家新秋

城中酷吏氣猶驕涼入邨墟風露饒花着牽牛蟲促織
田家籬落已星宵

秋圃

秋花七種錦成叢恰似仙官華蓋宮只有雞冠在負外
出牆簪立管西風

冬暖

墜葉風微不住堆輕暄適體似春回家人卜得明朝雨
洗面狸奴過耳來

夜聞落葉

茗帚筠箕同我情落紅聲裡守三更天明不免衝霜出

驅役風塵何似生

元日牡丹四首

似表
倉山

朶朶祥雲迎日紅，高張翠幙護霜風。
獻春第一雍熙象，只在太平樓閣中。

朝回兩袖添天香，不待銀幡忝寵光。
造化分身隨處現，花王至竟是東皇。

似與東風別有因，椒花柏葉且爭新。
誰思國色朝酣酒，仍是三杯婪尾春。

三元恰得狀元紅，薰滿檀香氣欲融。
何用今朝祝如願，十分富貴在其中。

新年雜述五首 節二

太平妝點是兒童，男女遊嬉到處同。
彩鞠跳梁不離地，紙鳶跋扈欲凌空。

年節逢場酒更加，蹒跚歸去近昏鴉。
又尋隣巷投名紙，便是今朝已了家。

除夜書感

以下二首
喪內後作

中饋無人歲已殫，老懷此夕欲排難。
寒燈照我鬢鬢影，枉作孤鸞對鏡看。

秋夜

珍簟冰紋睡不成，西窻落月下三更。
今宵最是難過夜，

五山

天保三十三家絕句卷上

十一

絡緯啼時無婦驚

山村冬暮

梯田繞屋晚禾稠苦恐磨廢來作憂一板鳴溪響如砲
山村防暴足奇謀

赴詩佛老人宅尚齒會

耆英今日會群賢晚進寧思班末筵且為東都脩故事
枉教鄭真入圖傳

蘭溪先生西島長孫

字元齡江戶人著有湖梅庵四時雜興

春寒勒花

剪剪輕風不斷霜花神困頓懶成粧應今紅紫一時放
是尔天公省事方

雪夜陪飲冠山老侯婦次小占

踏破瓊瑤與膝齊龍鐘醉步失東西尺前寸退如沙路
雪得平生屐齒泥

首夏溪居

桑黹初熟麥人肥日午携筐提鉦婦守舍兒眠呼不起

一雙翡翠出窓飛

早夏雜詩

牽牛盆種待秋芳，命竹扶來半尺強。欲滌雨泥污脚葉，水盤兼喚退鋒郎。

秋宵露坐

銀河淡淡不彌空，病骨新蕪滿袂風。怪得樓頭人墜扇，梧桐一葉月明中。

筍

稚龍不樂久泥蟠，猶恨挾風行雨難。一夜潭中當路卧，誰將鱗甲解為冠。

田家晚懋

暫休酸脚叩柴關，樹裏頽陽明滅間。燒炭人歸風寂寂，吹將殘靄過他山。

落葉

楮衾菊枕得眠遲，叩戶恰如雨作時。從此秋聲無處着，唯留宿鳥守閑枝。

雨後

風戰井梧知晚晴，書餘鍊句倚軒楹。石凹殘水不盈掬，時有雀兒來浴鳴。

苦雨夜坐

蘭溪

天保三十三家卷上

廿九

譙樓更鼓寂無聞，檐雨浪浪欲夜分。
讀徹窓書人不寐，秋燈隔紙見殘蚊。

初冬偶題

閨年寒意刻期新，此際難呼做小春。
紅日滿窓人始起，一條霜水下梧身。

初冬閑居三首

老來常倦夜如年，尤喜容光到几邊。
風過庭柯無葉落，吹將井氣入茶烟。
午日嬋妍暖似烘，中餐飽後四肢融。
紙窓一面分明影，松針叢叢刺落楓。

幾種盆蘭移在堂，中庭昨夜正繁霜。
鼎茶聲裏抄書罷，三尺活檐無夕陽。

出郭值雨

旗亭買醉借簑行，村雨纖纖雪未成。
腐葉沈為爵頭色，一渠流水慢無聲。

雪朝

窓外雪晴林日紅，紙屏圍合尚朦朧。
兒童已挾兔園冊，讀破先生打睡中。

晏起

枕邊狼藉倒尊壺，淡日臨窓鳥互呼。
容易春晴難印可，

柳陰花影復將無

戊子中元

羹飯齋供祀祖初招魂人客到僧廬腐儒何誦冥文去
一盞秋燈讀父書

秋宵露坐

一榻風涼如在舟時蟲啾唧暫無休水痕山影渾岑寂
月落殘河猶照秋

七月十八日驟雨口占

快雨得風侵戶斜青林忽失萬蟬譁秋棠蔭石萱依砌
先惱牽牛竹尾花

家塾湯陰

麻嗒困眼借茶權正是嫩晴乍暑天半板兒書猶未熟
冬青花落午風前

晚過羽田渡

鳧渚鴈汀秋霧催渡船將發復姑回招招涉子遙相語
知有村人衝黑來

春草

雨後青青沒繡鞋吳宮風物入春懷採香徑裏人歸去
拾得西施七寶釵

題謝大傅對奕圖

蘭溪

大保三三家絕句卷上

十一

過江第一棟梁材奇正，兵機着着開兒輩。淮肥還結局，東山有妓早歸來。

晚酌擁妓

深山大澤出龍蛇，尤物傷人似鑊鉞。且莫高論須盡醉，銷金帳外雪如花。

蕉窻先生山地寬

字孟教一號鷓鴣江戶人著有蕉窻詩集

送白龍禪師之蝦夷

雲水無邊到處禪，喫茶去去路三千。法燈一點傳心印，照遍蝦夷跣鞞天。

卜居即事

卜築纔完小小家，家無儋石思無邪。經營又費半弓地，沽酒餘錢儘買花。

楊花

三眠醒後弄輕柔，散作芳塵滾作毬。一段悠揚禁不得

蕉窻

舞容愛惜舊風流

芭蕉

數尺芳心抽刺天，春雷已動色初全。從今無用人間紙，
書破深青一葉箋。

薔薇花

長條搖曳走青虬，滿架胭脂表裏稠。何事天工紅錦段，
縫餘鍼刺不曾收。

杜鵑花

低叢叢裡認紅痕，杜宇啼時花滿園。他日莫逢殷七七，
重陽風露冷芳魂。

木犀花

月圓何年分，一根人間秋色返。香莖滿枝，金屑依然亂，
猶認吳剛斧鑿痕。

月下美人

天開月鏡照粧樓，鬢髮欽雲嬌似羞。二八冶容三五影，
嬋娟一樣媚清秋。

江村訪友分韻

一綫草枯霜有痕，野航通路水渾渾。幽人閉戶秋為表，
寂寞江邊紅葉村。

瓶中菊花分韻

蕉窓

席上之珍節後枝金黃雪白傲霜安灌園餘澤膽瓶水
不使秋香一夜衰

楓醉

重陽酒氣付霜不葉葉紅潮樹樹秋休向西風成醉舞
滿林已領錦纏頭

瓶中雜花

窓紗雖薄避顛風單瓣重跗白間紅方識卧遊勝蠟屐
萬山春色一瓶中

新闢小園

意匹結成山水綠十弓園樹半池蓮女媧練石本多事

且種芭蕉補綠天

賣梅花翁

節是輕寒輕暖天梅花千點占清妍山翁欲賣羅浮夢
月下精神擔在肩

夏日放舟墨水汲中流煮茶

輕舟漾漾半江波載得茶爐任槩牙手汲中流試新味
瓦鐺五月煮霜花霜花
茶名

野望

行了秋畦千畝間高原開豁晚鴉還斜陽一片無纖翳
現出霜紅落後山

初冬

前圃迎冬景漸遷，新霜幾日遍籬邊。芭蕉憔悴猶瀟洒，
宛是維摩病裏禪。

小春觀楓

江楓染盡幾霜晨，葉葉欺花十月春。試飲侵枝紅處水，
要為繡口錦腸人。

雲山先生宮澤雉

字神遊，一號淺草寺南禪客。秩父人，著有桂花香裏詩。

移竹

此君久已立溪濱，蕭洒風流不受塵。帶醉移來何所似，
長安市上謫仙人。

牽牛花

清晨爽氣與人宜，正是碧花霑露時。薄霧今朝如有意，
故遮紅日照來遲。

新梧清晝圖

夏淺新梧葉漸加，高枝嫩綠染窓紗。深院鈎簾人靜坐，

雲山

天保三十三家色向卷上

廿五

一甌蟹眼煮頭茶

送晉亭婦肥前

一夜秋風吹客衣，孤燈挑得捲書幃。
無端讀到登樓賦，夢落江村舊釣磯。

春夜宿水母寺

古寺花開春寂寂，長堤人去夜沈沈。
今宵不恨天無月，一簇櫻雲照水潄。

墨水

秋江水漲碧溶溶，身坐扁舟一葉中。
無數輕鷗來作伴，知他閑意與人同。

如練澄江如葉舟，採來蘆渚蓼灣秋。
幽期更在玻璃月，今戶橋邊賣酒樓。

日落江天萬態生，吟邊佳趣有餘清。
歸鴉棲樹林先暗，睡鷺立沙洲尚明。

滿江風月點塵無，清賞如同赤壁蘓。
我有一枝聲畫筆，矮牋描寫勝遊圖。

春雨晚晴

如酥小雨晚初晴，群卉欣欣盡向榮。
楊柳池塘春水綠，杏花村落夕陽明。

贈荷道人

雲山

天保三正家色句卷上

十六

四弦彈破滿城春，楊柳梅花入曲新。但有崑崙東市在，方知善本是神人。

鴨脚山房賞海棠

鴨脚部頭年未老，雲山琴史髯將霜。驅除措大寒酸氣，紅錦屠蘓賞海棠。
蜀錦新聘趙解愁，香霏閣上按涼州。高鈞吟箔燒銀燭，半照紅粧半白頭。

桐生

農家收稻村村急，機屋飛梭戶戶同。堪笑閑人無一事，來遊耕織西園中。

箱根

探勝遠來雲洞間，亂峯重疊水灣環。不知殘暑鑠金石，夜聽溪聲晝看山。

客中十三夜

光景不知如去駿，酒場詩社逐清酣。醉裏黃花過重九，吟邊月影到十三。

贈覓貼兒

當年李涉辱知聞，風雨蕭蕭江上村。何料春城花月夜，遊人叢裡又逢君。

堀田原

雲山

天保三十三家絕句卷上

廿七

硬弓貫革滿如月，怒馬翻杯奔似龍。演武從來非我事，
教場只愛草茸茸。

淺草雜詠

翠閣紅樓連水涯，重三雙七競豪華。嬌葩滿地春如海，
誰賞長堤十里花。

羣履少年紛似林，買春爭擲幾多金。別有老人花底活，
萬蛾眉拜一觀音。

畫樓何處不紅粧，士女游觀若堵牆。放翁謾說成都勝，
曾有多情活海棠。

買得綺羅鼓裡春，水雲幽處避紅塵。五湖風景今猶在，

一葉扁舟載美人。

十里珠簾二分月，豪華何復數揚州。誰知酒碧燈紅地，
元是鳧眠鷺立洲。

乙未初夏河米菴邀檀宇林公筠澗鳥居公於
賜谷別墅余亦忝陪遊因賦五絕紀喜

滿城車馬競豪華，爭賞姚黃魏紫花。何及名園泉石畔，
閑遊盡日弄烟霞。

洗硯池清引貴遊，蘭亭雅會憶千秋。雖無峻嶺崇山勝，
自有茂林脩竹幽。

雅尚高人與俗殊，林泉邀客共清娛。不須紅粉污吟席，

且把庭花抵美人
鳥語蛙聲詩可和
池光林影畫堪描
若非摩詰朝川墅
即是許渾丁卯橋
詩伯人推蘓玉局
書家世識米南宮
不知今夕是何夕
僥倖追隨一室中

星巖先生梁緯

字公圖一號玉池生美濃人
著有星巖集深林讀書堂集

雲津路上

雲津渡口雨濛濛
烏浦磯邊落照紅
一紙遠書秋未達
鯉魚吹老滿江風

夏日雜句

籬邊種下碧牽牛
纔見公苗一寸抽
連日濛鬆新竹雨
引他翠蔓到梢頭
繞簷槐柳綠交加
手汲苔泉試露芽
霖雨漸收天漸熱
佛桑開到第三花

星巖

天保三十三家絕句卷上

十九

七月十二日同子成有終巨海諸同人觀荷花
於柵掠湖得三絕句

載酒一年三度到同人無恙景依然梅花雪後桃花水
又及秋風茁茁天

淵客龍綃勞意匹天孫雲錦費經營何如此際三千幅
盡是風裁月染成

飄搖風影倩誰扶香露彈人細欲無絕似開元何滿子
盈眸愁淚迸珍珠

後十日重過柵掠湖時夜黑荷氣數條襲人彼
羨愛而不見悵然有作

絡角星河夜未央青荷恨汝鏡無光凌波仙子在何處
黯澹只吹羅襪香

四皓圍碁圖

雪頂霜髯唱紫芝山中日月一枰碁留侯計策無多子
只把閑人賺戚姬

李泌二首

白衣今在黃衣側一品位尊仍道官借問恩沾雙顆味
何如嶽寺老僧殘

豈不能稱敬輿美應無意救魯公囚十年宰相成何事
祇合山中啗芋頭

觀潮坂口號

匹馬匆匆往又還，征裘弊盡鬢蒼然。觀潮坂上重停轡，
一片寒光十七年。

宿植松氏宅話舊

一尊重碧話平生，靜夜深沈舊雨情。酒醒燈殘人未寢，
曉風已送驛鈴聲。

戲題梅花莊

博得閒錢家不貧，枝南枝北一般春。糟糠陂裏林和靖，
也為梅花作主人。

東叡山看花

山前山後一齊開，衰鬢尋春幾回。蓑屐裘成年少樣，
不教花咲老僮來。
戀惜風華未擬回，生憎鐘磬苦相催。一輪紅日萬枝雪，
併被山僧敲落來。

雜言

多岐事出治無驗，秦漢弊風傳至今。五帝三王非異術，
只施仁澤買民心。

題畫絕句 有引

今茲乙未之秋在，足利蠻舍偶為一。揮灑請者尋，
至余咲曰緯也。手腕太生况廢輟，年久縱使為之其。

醜可厭而君等欣賞不已是殆嗜菖蒲菹者歟曰每一圖成係以一絕句觀者可以知余興懷之所寄耳慘澹圖成思有餘雲林何處是吾廬買山不得畫山賣一咲先生生計踈

東走西馳髻已斑百年能得幾多閒奇青峭碧筆頭湧多是平生經歷山

烟雨濛濛秋已殘遠情羈思兩無端可憐零落一枝筆幻出家山紙上看

北來無地不孱顏行盡朝嵐夕紫間從此匠心高一着梁家粉本是毛山

客窓吮筆消閒晝何必倪迂黃太癡競秀二毛山萬疊唯能對此有餘師

胸堂瀟灑本無塵筆底雲山一一真瓶盃家風能罵祖維摩羅詰彼何人

余玉池寓居餘地皆藝菜亦貧家活計也十一月五日以冬菜命題同諸子賦兼述懷

子月林園液雨滋烟芽露甲綠參差庾郎三九李侯二未害貧厨併薦之

土酥津潤沁牙冷寒薤紛敷衝鼻香天欲昌詩消幾許只教滿腹飽冰霜

傷指大啼真可嗤，逢心不食豈非癡。老根蟲葉復何撤，苟且堪餐餐勿遺。

鼎鼎調和勞大賢，吾曹無事只高眠。孟羹有此美芹，快獻與明君當幾錢。

玉本纔殘又玉延，朝昏牙頰響鏘然。不成一事頭斑白，咬菜仍須二十年。

戲題插花鏡

一雙每倒沙頭玉，百尺長沈井底銀。何物土瓶能大膽，要涵三萬六千春。

隨齋先主塩田華

字士鄂一號巨瓢子伊勢人著有隨齋集

遊志州作

渺漫碧海繞青山，校雨量晴何日閑。一片布帆天外白，城中少婦望郎還。

青峰絕頂俯蒼莖，山盡天空海色長。何數雲夢吞八九，寸眸下瞰大東洋。青峯

詰曲山蹊上碧岑，遙船葉散海中心。春天驟逮陰晴變，島樹汀烟淺又深。過塩屋嶺

小橋脩竹兩三家，十里青山一路斜。老犬怪人溪上吠，

隨齋

天保三年三月

三十一

藍衫烏帽立梅花

迫子邨

經畫我軍防海營炮臺高築與雲平俄羅斯寇若窺境
霹靂轟天碎水城

島嶼縈環浦港迴海門中斷一天開紫瀾纔碎白波立

百道驚風捲雪來

南張

女郎搖櫓截洪濤奔沫翻珠濺客袍南紀山遙滄海濶

寶陀峰雪刺天高

濱鳴渡

曾無警火照浴邊海角烽臺閑拂天清世威風凜難犯
不將勺水附皮船

蜚戶數人聚作家層厓疊嶂接平沙春風微峭南州路

開遍山茶樹樹花

聖人峯下千山低大王礁外萬里迷昨宵投宿知何處

浦雲隔在夕陽西

蟹舍漁庵帶海濤恠松根露斷巖高遇人間路走相避

一隊嚴裝佩兩刀

自御壓赴片
甲途中作

鼇山突兀雁鵬雲鞞鞞琉求不可分極目茫茫千萬里

大東洋外湧初昕

島雲銷盡放春晴波截巖頭鴉亂鳴東海日升金門燦

富山白雪半天明

波截浦曉望

掀舞如塵萬斛舟首風恠雨撲檣頭東西不辨乾坤黑

隨齋

天保三十三家絕句卷上

三十四

一點星燈是志州

百尺懸崖震萬雷，巨巖如撼雪濤堆。纔沿裏海平如席，
歸港漁舟棹月來。安乘

燈影依微暮靄橫，便風直向港門行。扁舟着岸月光白，
誤踏輕波鷺有聲。

千櫓帆影海門頭，不是仙臺是薩州。忽見紅裙要客去，
竹枝歌起月中舟。暮抵的箭港

舟過春波灣復灣，白鷗相伴櫓聲閑。水天欲曉漁邨遠，
烟雨模糊兩岸山。債舟的箭石

海南一路雨成泥，纔到山中雪滿蹊。云是二州分界地，

始知寒暖限東西

雲烟漠漠晚山稠，雪作冰花結樹頭。點點石砭行不盡，

四十八曲亂溪流。石邊山中

墨水看花八首

纔見梢頭紅蓓蕾，忽驚樹底雪繽紛。年年芳候多相失，
始看開花到九分。

遊人四散我方來，落日紅明花爛開。行到軟塵全寂處，
香雲圍繞佛樓臺。

櫻花拖白望依稀，一道香雲鎖晚暉。過盡長隄田外立，
玉龍欲蹴水天飛。

隨齋

腰間瓢酒倩誰溫，薄晚來敲野店門。幸有老婆能解事，
高花明處又開軒。
臨水花稠皆老樹，向陽枝亞是新栽。願吾長健春無恙，
醉着東風歲歲來。
紅裙裊裊水雲區，遊舫穿花歌且呼。見鳥問名人已化，
如今春景冠江都。
木母寺前花影紛，金龍山外夕陽曛。初疑撲地糝糊雪，
忽作漫空冪麗雲。
花園碧瓦橋南墅，水映珠窓堤外莊。各是高樓春夜宴，
翠簾畫燭競紅粧。

步賴子成送豬飼翁遊我勢之韻却寄子成時
患咯血向與予別一日疾作云

一別驚君病不堪，壯遊曾說到湖南。金鱗激刺斫供膾，
想見徹宵乘醉談。
文華皆推經世畧，病床休歎攝生難。歐公史藁蘇家策，
已向乾坤留大觀。

奉和日野亞相公詠茉莉元韻

好花應是惜娉婷，幸帶爐烟滿袖馨。只荷明公寵清白，
不同凡卉老巖屏。
不日炎熱玉娉亭，一番清步先素馨。有月影空雲母帳，

無風香動水精屏
嬌紅姹紫競娉婷
素質超塵水雪馨
垂下珠簾侍深夜
豪奢何必肉為屏

聞鴈

書劍年年滯海城
秋風纔動便傷情
蘆花月白烟波冷
今夜又聞新鴈聲

中如先生諸葛興卿

名武字興卿以字行江
戶人著有言者道人集

林亭書事

辛夷花發想平泉
楊柳陰濃夢輞川
措大原無鐘鼎分
茂松脩竹養風烟

早起澆花

起下荒階汲井華
子規聲裡漱晨霞
愛花非是甘勞碌
便把培澆養自家

贈賣花翁

胡蝶醒時翁亦起
翁追胡蝶蝶追翁
先生每日貪春睡

中如

天保三年家絕句卷上

三十一

聞賣花聲是夢中

庚寅元旦試筆

病夫嬾卧小隆中廿七韶光不負公倘問三分果何策
鶯花與我領春風

分題采芳帖得湊川楠公墓前櫻花

山花寂歷易飄零草木無情也慰靈堪想當時櫻井驛
倉皇忍淚別寧馨

讀唐紀

舊官拜佛事如何何事新臺却要他長髮纔過還剪髮
雲鬟誤事不勝多

題源語五十四帖

抄二册

霜葉紅於二月紅舞衣相映亂西風誰知雙袖龍鍾淚
寄在秋波一轉中紅葉賀

欲照深閨夢裡情流螢無數照階明莫教紈素輕揮去
一一檀郎記得清螢

題賴山陽山紫水明處

崇朝起伏獻峯雲盡日波瀾鳧水紋妙訣由來無別法
明窓指點細論文

答西人

平安四百八十寺浪華三百九十橋若問江都何所有

中如

天保三年三月家絕句卷上

三十八

文人才士不寥寥

白秋海棠

不學濃妝揚太真，倣它淡抹鏡夫人。
多情獨背西風睡，嬾向菱花點絳脣。

夜下刀福川

篷底人眠近五更，筆間船脚碾沙行。
篙師報道新河岸，月白村園乳鴨聲。

告天子

短翼飛飛儘自由，一聲顧影下田疇。
知渠也罷青雲志，翻向菜花深處休。

題畫

正是寒郊欲雪天，吟鞭醉帽似乘船。
長松十里江南路，滿耳濤聲馬上眠。

閑遊

人生最樂啟期三，莫算嵇康七不堪。
日日偷閑浪游遍，花明江北又江南。

典衣

都城士女慣輕羅，典得猶當幾兩多。
豈信山村桑貴日，賣妻糶子養蠶蛾。

古寺秋暮

中如

石門殘圮一蹊斜，枯木嶺岈宿暮鴉。
香積堂前散金粟，秋風吹落木犀花。

梅豆

苦似書窓十年苦，酸同措大一生酸。
枉將鼎鑪調羹味，幫襯先生首著盤。

鷗嶼先生守村約

字希曾，一字抱義，江戶人。著有普陀落山房詩集。

初夏即事

雨餘綠樹淨娟娟，也勝艷陽三月天。
燕語鶯聲皆老去，閑人詩思到啼鶯。

秋曉

檐鐸鏘然破曉風，秋芳園裏檢幽叢。
牽牛滿架花齊發，猶是隣人半夢中。

遊山

遠入翠微消盛夏，向來炎氣絕如無。
閑人勝地真相得，鷗嶼

活底溪山清暑圖

江島

蜃氣成樓別有鄉遊人來宿海中
央萬枝紅燭明如晝
閑却龍燈徹夜光

批把

昨夜夢中凌紫霞
虛皇殿裏聽仙歌
醒來試把玉環譜
亦是王家雀啣蛇

題小梅精舍

松門花徑無人到
野水村橋有路通
只言三尺書窓小
坐佔平田萬頃風

梅雨

雨水煮茶當酒杯
清風使尔釣詩媒
知從密竹陰中取
猶帶涓涓淨氣來

病後看花

湯鼎藥爐過幾日
登山雙屐滿塵埃
今朝有喜君知否
病恰痊時花恰開

閑居

不嚼梅花三斗葢
誰知島瘦與郊寒
詩成懶向人間售
一炷清香獨自看

贈菊塢

鷗嶼

釀花天氣雨濛濛，久負君家錦繡叢。
萬紫千紅多少樹，不知開到幾番風。

移菊苗

籬落移來菊幾叢，茸茸蒼蒼衆芳同。
秋風滿地黃金色，在此生根嫩葉中。

蘆葉達磨圖

輕浮蘆葉自天涯，帶水拖泥不識賒。
將謂本來無一物，空將玉樹倚薰葭。

畫鶴

十里珠簾二分月，繁華自古說揚州。
我有腰纏錢百萬，

何時騎汝作豪遊。

遊山雜詠

青巘丹崖幾座山，置身金碧畫圖間。
可惜溪橋斜照好，無人拾得一詩還。

題畫水仙

庭前冰齒梅猶未，池上紅衣蓮已枯。
半夜吟窓不堪寐，彩毫貌出水仙姝。

途中作

一條之字逐行長，百卉蕭蕭欲醉霜。
休道秋深吟最淡，蒼松翠竹映斜陽。

詠宮川侯愛玩藏六石

畏豫酬毛事都謝清泉洗淨世間塵漢時珍襲雕龜石
何似這般天造真

初春題畫

遙山未盡皚皚雪近樹纔籠薄薄烟好是乾坤泰初景
扇題寫出祝新年

詠燕

香泥朝啄紅花塢畫棟宵棲白玉堂西眠東食誰如汝
莫向烏衣憶故鄉

悼鶯卿妹

天上雙星佳會夕雲車招汝到銀河知將新曲接仙宴
好唱怨蘭家樂歌怨蘭花詞圭禪師
填譜妹嘗唱之

淺草雜詠

粗米漕來自八方官倉儲畜備非常欲知四海風波靜
港口相銜萬隻航
一座慈雲開錦帳人人侵曉進頭香幽人別趁吟邊景
鴨脚樹陰秋雪黃

漁父

風簾雨笠淡生涯烟水作鄉船作家罷釣歸來無一事
滿汀秋雪卧蘆花

侵曉看櫻

滿路瑤葩帶露新
吟筇侵曉問江春
絕無陣粉圍香鬧
看得名花色相真ナラ

蘭泉宇野秀穀公實校字

天保三十六家絕句上

早稲田大学図書館

011888011686